
ВИЛОЯТ ҲОКИМИ ИШТИРОКИДА ФУҚАРОЛАР ҚАБУЛИ БЎЛИБ ЎТДИ

Бугун Фарғона шаҳридаги Тадбиркорлар уйида вилоят ҳокими Хайрулло Бозоров, Президент маслаҳатчиси ўринбосари Алишер Усмановлар иштирокида фуқаролар қабули ўтказилди.

Вилоят ҳокими ўринбосарлари, вилоят бошқарма ва ташкилотлари раҳбарлари жалб этилган қабулда шаҳар ва туманлардан келган 160 нафарга яқин фуқароларнинг бандлик, тадбиркорлик, банк кредити олиш, уй-жой, моддий ёрдам, субсидиялар ажратиш, коммунал хизмат, тиббий хизматлар, маҳалла кўчаларини ободонлаштириш ва яна бир қатор масалалар бўйича мурожаатлари тингланди.

Мурожаатларнинг бир қисми қабул чоғида ўз ечимини топди. Айрим фуқароларнинг мурожаатлари масъул идораларга қўшимча ўрганиш учун йўналтирилди, ижроси назоратга олинди. Қонуний жиҳатдан ечим топиш имкони бўлмаган мурожаатлар бўйича ҳам фуқароларга тегишли тартибда йўналишлар, тушунтиришлар берилди.

Шу куни Тадбиркорлар уйи очиқ майдонида вилоятимизда бўлиб турган 20 дан ортиқ вазирлик ва Республика идоралари раҳбарлари ва ўринбосарлари иштирокида оммавий сайёр қабуллар ҳам ўтказилиб, ҳудудлардан келган фуқароларнинг мурожаатлари тегишли вазирлик, идоралар масъуллари иштирокида кўриб чиқилди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-05-10 19:18:33